



Broj: 02-11-3186/21-AP-13

Datum: 21.02.2022. godine

Na osnovu člana 25., 64 stav 1. tačka b), člana 70. Stav 1.. 3. i 6. u vezi sa članom 72.stav 3. tačka a) Zakona o javnim nabavkama („Službeni glasnik BiH“, broj: 39/14), člana 29. Pravilnika o internim procedurama u postupku javnih nabavki roba, usluga i radova i direktnom sporazumu („Službeni glasnik Općine Zavidovići“, broj: 4/2021 i 5/2021) i člana 39. Statuta općine Zavidovići («Službeni glasnik općine Zavidovići», broj: 5 /2008, 5a / 2008 i 11/2019), te preporuke Komisije za javne nabavke, u predmetu odabira najpovoljnije ponude dodjele ugovora o javnoj nabavci radova „Vodosnabdijevanje prostorne cjeline Pašin konak-Izgradnja rezervoara R-5“, Općinski načelnik, donosi

ODLUKU

Član 1.

Poništava se Odluka o izboru najpovoljnijeg ponuđača broj: 02-11-3186/21-AP-10 od 02.02.2022. godine iz razloga što izabrani ponuđač GP „HELDOVAC“ d.o.o. ŽEPČE u ostavljenom roku nije dostavio traženu dokumentaciju (originale ili ovjerene kopije dokumentacije iz člana 45. i 47. Zakona o javnim nabavkama).

Član 2.

Prihvata se preporuka Komisije za javne nabavke, te se Ugovor o javnoj nabavci radova „Vodosnabdijevanje prostorne cjeline Pašin konak-Izgradnja rezervoara R-5“ dodjeljuje drugorangiranom ponuđaču KONZORCIJ „DŽEVKOMERC INŽINJERING“ d.o.o. ZAVDOVIĆI i „DKM GRADNJA“ d.o.o. MAGLAJ koji je dostavio ponudu broj :IMP-2001/22 od 20.01.2022. godine u postupku dodjele ugovora o javnoj nabavci radova „Vodosnabdijevanje prostorne cjeline Pašin konak- Izgradnja rezervoara R-5“, broj 02-11-3186/21-AP-3 u kojoj je nakon e-aukcije ponuđena ukupna cijena od 83.600, 00 KM bez PDV-a.

Član 3.

Izabrani ponuđač ima obavezu dostavljanja dokumentacije propisane tenderskom dokumentacijom (u originalu ili ovjerenoj kopiji) u roku 5 (pet) dana od dana prijema Odluke.

Član 4.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 5.

Ova odluka objavit će se na web stranici ugovornog organa istovremeno sa upućivanjem ponuđačima koji su učestvovali u postupku javne nabavke, u skladu sa članom 70. Stav 6. Zakona o javnim nabavkama.

Član 6.

Ova odluka stupa na snagu danom donošenja.

O b r a z l o ž e n j e

Odlukom Općinskog načelnika broj 02-11-3186/21-AP-3 od 29.12.2021. godine pokrenut je postupak dodjele ugovora za javnu nabavku radova „Vodosnabdijevanje prostorne cjeline Pašin konak-Izgradnja rezervoara R-5“, putem otvorenog postupka.

Na adresu Općine Zavidovići do krajnjeg roka za dostavu ponuda dana, 20.01.2022. godine do 12,00 sati dostavljeno je 4 (četiri) ponude, i to ponude sljedećih ponuđača: 1. „Geo-put“ d.o.o. Maglaj; 2. GP „Heldovac“ d.o.o. Žepče; 3. Konzorcij „Dževkomerc Inžinjering“ d.o.o. Zavidovići i „DKM Gradnja“ d.o.o. Maglaj i 4. „Porobić“ d.o.o. Zavidovići.

Komisija za javne nabavke za provođenje postupaka javnih nabavki roba, usluga i radova Općine Zavidovići je zaprimila pristigle ponude, izvršila njihovo otvaranje, te izvršila pregled i ocijenu ponuda prema zahtjevima i kriterijima iz tenderske dokumentacije.

U postupku javne nabavke utvrđeno je sljedeće: da je ukupno pristiglo 6 (šest) ponuda, da su sve blagovremeno zaprimljene i da nije bilo ponuda koje su odbačene kao neuredne u skladu sa članom 68. Zakona o javnim nabavkama.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocijenu kvalifikovanosti ponuđača te ocijenu prispjelih ponuda, u skladu sa kriterijima iz tenderske dokumentacije.

Nakon provedenog postupka e-aukcije dana, 28.01.2022. godine, a na osnovu Izvještaja o toku i završetku e-aukcije, Komisija za javnu nabavku za provođenje postupaka javnih nabavki roba, usluga i radova Općine Zavidovići dostavila je Zapisnik o pregledu i ocjeni ponuda broj: 02-11-3186/21 od 01.02.2022. godine u kojem je izvršila rangiranje ponuđača kako slijedi:

| R/br | Naziv/ime ponuđača | Ponuđena cijena bez PDV-a |
|------|--|---------------------------|
| 1. | GP „HELDOVAC“ d.o.o. ŽEPČE | 83.400,00 |
| 2. | KONZORCIJ „DŽEVKOMERC INŽINJERING“ d.o.o. ZAVIDOVIĆI i „DKM GRADNJA“ d.o.o. MAGLAJ | 83.600,00 |
| 3 | „POROBIĆ“ d.o.o. ZAVIDOVIĆI | 101.961,97 |
| 4. | GEO-PUT“ d.o.o MAGLAJ | 110.240,30 |

Ugovorni organ je dana, 02.02.2022. godine donio Odluku broj 02-11-3186/21-AP-10 kojom je prihvaćena kao najpovoljnija ponuda ponuđača GP „HELDOVAC“ d.o.o. ŽEPČE. Nakon što je GP „HELDOVAC“ d.o.o. ŽEPČE, zaprimio Odluku broj 02-11-3186/21-AP-10 od 02.02.2022. godine nije dostavio originale ili ovjerene kopije dokumentacije iz člana 45. i 47. Zakona o javnim nabavkama, a koje je bio dužan da dostavi u skladu sa Tenderskom dokumentacijom i odredbama člana 72. stav 3. tačka a) Zakona o javnim nabavkama.

Kako je rok za dostavu dokumentacije istekao zaključno sa 14.02.2022. godine, a izabrani ponuđač nije dostavio propisanu dokumentaciju, to nije postupio u skladu sa uslovima iz Tenderske dokumentacije.

Shodno članu 72. stav 3. Zakona o javnim nabavkama ugovorni organ dostavlja prijedlog ugovora onom ponuđaču čija je ponuda po rang listi odmah nakon ponude najuspješnijeg ponuđača kada ponuđač propusti da dostavi originale ili ovjerene kopije dokumentacije iz člana 45. i 47. Zakona o javnim nabavkama, te je ugovor dodijeljen

ugorangiranom ponuđaču KONZORCIJ „DŽEVKOMERC INŽINJERING“ d.o.o. ZAVDOVIĆI i „DKM GRADNJA“ d.o.o. MAGLAJ.

POUKA O PRAVNOM LIJEKU:

Protiv ove odluke može se izjaviti žalba u roku od 10 (deset) dana od dana prijema. Žalba se izjavljuje ugovornom organu u pisanoj formi direktno, ili preporučenom poštom pošiljkom. Žalba se podnosi u najmanje tri primjerka.

Dostavljeno:


1. Učesnicima u postupku
2. a/a

OPĆINSKI NAČELNIK

Dr. sci. Hašim Mujanović



Obradila:


(Sanela Mulahasanović)

Kontrolisao:


(Midhat Bajramović)